



**Signur, confermeia söa empormetüda d'amur önn por l'ater.**

La ploania i fej les miús aodanzas de benedisciun y fortuna ai nüc **Elmar Feichter y Dolores Herbst** co se dá adöm tal sacramont dal matrimone en sabeda ai 15 de jügn a Völs.

## 1 enformaziuns y termins

**Biblioteca:** la Biblioteca "Angelo Trebo" romagn slüta dai 17 ai 30 de jügn.

**KVW Seniorencub:** en dedemesaledema ai 12 de jügn piunse ia dal Cone demez ales 9:00 con le bus por jí ete en Gsies; danló junse a pe cina ala Kradorferolm, na picia ora, saori da jí. Da se prenoté pa Lidia, ☎ 339 7899107

**Conzert:** le cor da Viena cantus iuvenis sot ala direziun de André Comploi lasciará lominé en Pasca de Ma ai 9 de jügn ales 19:30 la dlijia d'Al Plan tai plü bi corusc. Tal conzert dal titul „Corusc dla Vita | Farben des Lebens” sarál da aldí n program musical der desvalí: da balades pop fina ciances de dlijia. Cianté gnarál dal amur, dla beza dla natöra y dal sö y jö de nosta vita. Düc é bel enviés.

**Sci Club Al Plan:** düc i mituns y les mitans co a ligreza da jí con i schi - dala pröma elementara ensö - po ciamo se scrí ete al Sci Club anter i 25 de jügn. Ví ince tö con nos con i schi! Enformaziuns ciafeise da Gabriel, ☎ 348 4124277

**Sorvisc ai Jogn:** le SaJ Val Badia pita le sorvisc de consulénza y orientamint por jogn, jones y geniturs sön temesc co reverda la joneza y l'educaziun vigne secundo y cuarto dedemesaledema dal mens dales 09:30 ales 11:30 tal Zenter Pedagogich a Picolin (alzada -1) y vigne secundo y cuarto vendres dal mens tal ufize dal Zënter dla jonëza y dla cultura SaJ.un a La Ila (Ciasa dla Cultura dales 13:00 ales 15:00. Al ne va nia debojügn da se prenoté y la consulénza é debann. Por enformaziuns: barbara@jogn.org o ☎ 342 8410721.

**Come so che il Signore mi ascolta?  
Noi abbiamo una sicurezza: Gesù. Lui è il grande intercessore.  
Lui è asceso al Cielo, è davanti al Padre ad intercedere per noi.  
Lui fa la preghiera di intercessione continuamente.**

Papa Francesco 07.06.2019

**Döt le bun a:** Angela Maria Erlacher, Uttenheim \* 09.06.1937  
Emma Rindler Willeit \* 14.06.1944  
Sr. Rosalia-Aloisia Daverda, Mestre \* 15.06.1927  
y a düc chi co á santennom y complesc i agn cöst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns** cina le dedemesaledema sera a Franz Rigo: ☎ 0474 500978 o ✉ ploania@gmx.net  
**Download plata:** www.unitepastorala.org



Plata dla Ploania  
**La Pli de Mareo**  
Santa Maria dal Bun Consei

Ploian: Signor Heinrich Perathoner  
E-mail: ploania@gmx.net

Calogna Al Plan: 0474 501006  
Radio de Ploania: 93,00 MhZ



**VAL BADIA**  
www.unitepastorala.org

## Ví, Spirit Sant, a implí i cörs de tü credenc, y empeia te ei le fü de to amur. Alleluia!

☞ St.Ap 2, 1–11 | 1 Cor 12, 3b–7.12–13 o Rom 8, 8-17 | Jan 20, 19–23

### Dal Vangelo do San Jan:

<sup>19</sup>La sera dal pröm dé dal'edema, canche i discepui á, dala tema dan dai iüdes, saré pro les portes, él gnü Gejú, é jü amesa ei ete y ti á dit: Pêsc a os! <sup>20</sup>Do cöstes parores ti ál mostré söes mans y so costá. Danló se ralegrá i discepui da odei le Signur. <sup>21</sup>Gejú ti á ciamó n iade dit: Pêsc a os! Desco le Pere m'á mené me, ensció ves meni iu os. <sup>22</sup>Do ch'al á albü dit cösc, ti ál fladé ados y ti á dit: Recioiede le Spirit Sant! <sup>23</sup>A chi co os ti lasceis do i picés, ti ésaí lasciá do; y a chi co os ne ti i lasceis nia do, ne ti ésaí nia lasciá do.

### Oraziun dal de

*Periun! Dio onipotent y etern, con le mister de cösc de santificheieste töa Dlijia te düc i popui y te dötes les naziuns: emplesc le monn entier con les scincundes dal Spirit Sant y, ci che to amur á operé tal meterman dla Dlijia, chel déssel ince operé encö tal cör de chi co crei en te. Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.*

(Lezionar C)



☞ Letöres dla GRAN FESTA DLA SS. TRINITÉ | DOMEGNA DLES FAMILIES:  
Prov. 8, 22–31 | Rom 5, 1–5 | Jan 16, 12–15

Edema liturgica dai 09.06. ai 16.06.2019

<b>DOM 09.</b>	<b>GRAN FESTA DE PASCA DE MA</b> <i>Efrem, Vinzenz, Colomba</i>
<b>08:30</b>	“Veni creator”, gran messa ciantada en onú dal Spirit Sant por dōta la ploania → <i>oferta por i debojügn dla ploania</i> ♫ Robert Führer, “Festmesse in C” <b>ores d’adoraziun:</b> do messa cina les 10:30 Curt, 10:30 - 11:30 La Pli, 13:00 - 14:00 Pliscia
<b>14:00</b>	<b>espi da festa</b> y benedisciun eucaristica
<b>Lön 10.</b>	<b>LÖNESC DE PASCA DE MA</b> <i>Maria, Oma dla Dlija, Diana, Stachio</i> <i>al va ennant le temp ia por l’ann</i> <i>beat Heinrich da Balsan, Stachio</i>
<b>08:30</b>	<b>gran messa</b> ciantada d’aniversar por † sig. Merch Graffonara → <b>ora d’adoraziun</b> por la comunité ♫ <i>Cor – Gospel-songs</i>
<b>Ded 11.</b>	<i>Barnabas, Paula, Alice (Adelheid)</i>
<b>07:30</b>	<b>s.m.</b> por † Isidor Pedevilla, Brach
<b>Dem 12.</b>	<i>Leo III, beata Hildegard Burjan</i>
<b>18:00</b>	<b>s.m. a Al Plan</b>
<b>Jöb 13.</b>	<i>Antone da Padova, Bernhard d’Aosta</i>
<b>19:30</b>	<b>s.m.</b> por †† Vollman, Slugher <b>s.m.</b> en onú de Santa Maria
<b>Ven 14.</b>	<i>Meinrad, Fortunat</i>
<b>08:00</b>	<b>a Al Plan s.m. de conclujiun dal ann de scora por la mesana</b>
<b>→ 10:00</b>	<b>s.m. de conclujiun dal ann de scora</b> , en onú dal Spirit Sant y por perié do n isté fortuné
<b>Sab 15.</b>	<i>Sabeda de Santa Maria   Vitus, Germana, Lothar, Gebhard</i>
<b>→ 09:00 ca.</b>	röa adalerch la prozesciun da <b>Valdaora s.m.</b> do intenziun
<b>DOM 16.</b>	<b>GRAN FESTA DLA SS. TRINITÉ</b> <i>Benno, Iustina</i> <b>DOMEGNA DLES FAMILIES</b>
<b>08:30</b>	<b>gran messa</b> por dōta la ploania y söes families → <i>oferta por i debojügn dla ploania</i>
<b>10:00</b>	<b>s.m. a Al Plan</b>
<b>ampola:</b>	por fam. Jep y Gabriella Rindler, La Pli
<b>ministronc:</b>	▶ da doman y domegna: Valentina y Natalie ▶ da sera y domegna: Rudi y Florian
<b>i recordun:</b>	Sr. Christina (Maria) Erlacher OT, Lana + 14.06.2010 Sig. Merch Graffonara, ploan + 14.06.2013



Spirit scinché, picé pordené (Jan 20, 19–23)

I ponsi do

*Le Spirit Sant é spirit de pêsc: al ven sön le monn por porté ennant la misciun de Gejú por che dōtes les generaziuns co ven pói encunté le Signur y vire con el.*

*Encö renovunse la scincunda ch’i án düc ciagé tal Bato y confermé tla Crejima. Le Spirit é present te nos: i orun le lascé laoré zonza le sofié.*

I preii ensciö

Ví ete te nos, Spirit Sant, illumineia nosta mont, portesse les scincundes dal ci, tö che t’es creatur de dōtes les porsones.

Menesse les set scincundes, o Spirit, che t’es bun da fá döt, por che vigne nosta parora sii arvenüda da töa sapionza divina.

Fá ch’i sunse bogn da davagné cuntra le nemich, para demez nüsc slec ponsiers y delibreiesse da döt ci co se tira al mal.

Con té gnarunse stersc y i ne se metarun nia plü al prigo.

*Walter Cazzaniga, Parola amica – Il Vangelo della domenica per ragazzi*



I creii tal Spirit Sant

I creii te söa forza  
co é bona da müdé y da renové.

Sc’i mo daüri a d’el,  
mo destolel da mi preiudizi,  
müdel mies üsanzes,  
supereiel mia endefronza,  
mo dál fantasia por deplü amur,  
mo straverdel dal mal,  
mo dál ardimont da fá dal ben,  
supereiel mia tristezza,  
mo dál amur por la parora de Dio,  
mo tolel le sentiment da ne valei nia,  
mo dál forza te mia soferonza,  
mo metel dlungia n fre o na so,  
mo emplescel deplen.

Orceiesse, Signur, to Spirit,  
deache ma el sciafia da renové la tera,  
ma el sciafia da rumper endalater l’egoism.  
Ma el sciafia da nes daidé costruí  
n monn plü uman y plü cristian.  
Amen

*do „Gotteslob“ 7.4*

